

Frittelario Hispanica maggior, & minor,  
 Dito Piranea, wachst gar hoch mit vil Flor,  
 Calzedonica, vberworffen/ ganz weiß zwei Sortten/  
 Grün der grossen/ Utterfarb/ oder Serponea  
 Purpur schattirt/ Italica, mit grosser Flor,  
 Iris, Anlicani, vier Sortten/ ganz weiß/ Silberfarb/ Merfarb maschire,  
 dunkel Violbraun maschirt,  
 Iris Polposis, siben Sortten/ ganz gelbe/ halb weisse/ halb weiß halb blau/  
 halb gelb halb blau / halb gelb halb gesprengt oder Blau geädert / ganz  
 weiß/  
 Anemie gefüllt/ sechs Sortten/ Calzedonico, grün vnd roth gesprengt/  
 groß roth Pauotto, Incarnatin felpato, Incarnatin Stellario, ganz  
 weiß/ Violfarb/  
 Anemie einfach / fünf Sortten/ nemblich zwei Sortten Incarnatin,  
 Purper Stellario, Laffanderfarb der grossen / weiß vnd Leibfarb ge-  
 schiltet/  
 Crocus, sechs Sortten/ ganz gelb/ gelb vnd tanne gerissen / ganz weiß/  
 weiß vnd grün gerissen/ Violfarb/ Purpurfarb/  
 Spinblum/ vier Sortten/ gefüllt/ ganz weiß einfach/ gesprengt/ vnd Puro-  
 pur Primadrize  
 Ornitobilum, Neapolitani, weiß vnd grün gestrichet/  
 Asponel, zwei Sortten/ ganz weiß/ vnd ganz grün/  
 Teobatico blau gefüllt/ vnd drey Sortten einfach/  
 Ranuncoli, roth gefüllt/ dito roth einfach Tripolitanis, dito gelb vnd roth  
 gesprengt/ mit schwarzem Boden/  
 Iris Susiana schwarz/ auch Beretin Scuro weiß geädert/ 2c.

Von allerhand Zlgen klein vnd groß/ so von Radice wachsen/ derselben  
 dann wol fünfzehnen Sortten seyn/ neben andern Blumengewächsen/  
 welche alle hier zu erzehlen zu lang werden solten/ thu mich im vbrigen  
 auff das Werck selbst/ referiren.

Wir wollen nun weiter auff dem Proposito des Gebäws fort schreiten/  
 So werden bey

- .○.○.○ vier/ jedes aber von fünf Schuh breit/ vnd acht Schuh hoch  
 von Alichem Holz zusammen gezimmerten Geländer / Bögen / oder  
 Orietter gefunden / die samentlich mit allerhand Steynobst Bäumen  
 besetzt/ vnd also darmit vberzogen oder bedeckt seynd worden/ daß man  
 vnd ohn gesehen der Nachbarn/ darunder/ wie in einem Wäldlein / bis  
 zu der Grotten auch in den Saloto spazieren gehn kan ( wie aber die  
 besagte Grotten/ neben dem Fischbehalter .z. erbawet/ vnd mit Wasser-  
 spilen zur Recreation des Menschens/ ist geziert worden/ daß solle her-  
 nach bey den Kupfferblatten N.º II. 12. 13. 14. auch zur gnüge vorgegriffen  
 sen vnd beschriben werden ) In beeden Ecken bey

